

春秋穀梁傳

卷11-15

春秋穀梁傳卷十一

晉豫章太守順陽范 寧集解

明 後學 東吳金 蟠較訂

文公

九年春毛伯來求金

傳求車猶可求金甚矣

凱曰求俱不可在喪尤甚不稱使者天子當喪未君

也

夫人姜氏如齊

寧歸

二月叔孫得臣如京師

傳京大也。師衆也。言周必以衆與大言之也。

辛丑葬襄王。

傳天子志崩不志葬。舉天下而葬一人。其道不疑。

也。志葬危不得葬也。不得備禮葬日之甚矣。其不葬之。

辭也。王室微弱諸侯無復往會葬

晉人殺其大夫先都。

三月夫人姜氏至自齊。

傳卑以尊致病文公也。夫人行刺公寵之過君禮致刺公寵之過

晉人殺其大夫士穀及箕鄭父。

傳稱人以殺誅有罪也。鄭父累也。

楚人伐鄭。

公子遂會晉人宋人衛人許人救鄭。

夏狄侵齊。

秋八月曹伯襄卒。

九月癸酉地震。

傳震動也。地不震者也。震故謹而日之也。穀梁說曰：大

盛將動有所變。

冬楚子使蔣來聘。

○蔣左氏遙反或作蔣左氏作椒

傳楚無大夫。無命其曰蔣何也。以其來我襄之也。

秦人來歸僖公成風之襚。

傳秦人弗夫人也。

言秦人弗以成風爲夫人故不言夫人。

卽外之弗

夫人而見正焉。

見不以妾爲妻之正。

葬曹共公。

音恭

十年春王三月辛卯臧孫辰卒。

夏秦伐晉。

楚殺其大夫宜申。

僖四年傳曰楚無大夫而今云殺其大夫者楚本祝融之後季連之胄也而國近南蠻遂漸其俗故

棄而夷之今知內附中國亦轉強大故進之○胄直又反

自正月不雨。至于秋七月。

傳歷時而言不雨。文不閔雨也。不閔雨者。無志乎

民也。

及蘇子盟于女栗。

女栗某地。蘇子周
卿士。○女音汝。

冬狄侵宋。

楚子蔡侯次于厥貉。

厥貉某地也。
○貉亡白反。

十有一年春。楚子伐麇。

○麇九
倫反。

夏叔彭生會晉卻缺于承匡

承匡
宋地

秋曹伯來朝

公子遂如宋

狄侵齊

冬十月甲午叔孫得臣敗狄于鹹

傳不言帥師而言敗何也據僖元年公子友帥師敗莒師于麗獲莒拏稱

帥師○鹹音咸麗直敗一人之辭也一人而曰敗

何也以衆焉言之也言其力足傳曰長狄也兄弟

三人佚宕中國佚猶更也瓦石不能害肌膚堅強瓦石打搗不能虧損

叔孫得臣最善射者也。射其目。身橫九畝。廣一步

為一畝九畝五丈四尺斷其首而載之。眉見于軾。兵車之軾高三尺三寸

寸賢遍反。然則何為不言獲也。據莒拏言獲曰：古者不重

創。不禽二毛。故不言獲。為內諱也。不重創恤病也。不禽二毛敬老也。

也。仁者造次必於是。顛沛必於是。故為內諱也。既射其目。又斷其首。為重創。鬢髮白。為二毛。○創初

羊反。為內于偽。反造七報反。其之齊者。王子成父殺之。則未知

其之晉者也。

十有二年春。王正月。邾伯來奔。

音成邾

杞伯來朝。

僖二十七年稱子今
稱伯蓋時王所進

二月庚子子叔姬卒

傳其曰子叔姬貴也公之母姊妹也同母姊妹其一傳

曰許嫁以卒之也男子二十而冠冠而列丈夫三

十而娶女子十五而許嫁二十而嫁禮而在丈夫冠

之列誰周曰國不可久無儲貳故天子諸侯十五

而冠十五而娶娶必先冠以夫婦之道王教之本

不可以童子之道治之禮十五為成童以次成人

欲人君之早有繼體故因以為節書稱成王十五

而冠著在金縢周禮媒氏曰令男三十而娶女二

十而嫁內則云女子十五而笄說曰許嫁也是故

男自二十以及三十女自十五以及二十皆得以

嫁娶先是則速後是則晚凡人嫁娶或以賢淑或以

以方類豈但年數而已若必差十年乃為夫婦是

廢賢淑方類苟比年數而已禮何為然哉則三十

大 而娶三十而嫁。說嫁娶之限。蓋不得復過此。爾故

所嫁者。仲春之月。奔者不禁。奔者。不待禮聘。因媒

請嫁而已矣。甯謂禮為夫之姊妹。服長殤。年十九

至十六。如此。士大夫不必三十而娶。女不必二十而嫁

明矣。此又此。大夫之禮。冠江。渙反。譙在遙反。笄

夏。楚人圍巢。

秋。滕子來朝。

秦伯使術來聘。

冬十有二月戊午。晉人秦人戰于河曲。

術秦大夫

傳不言及秦晉之戰已亟故略之也。

亟數也。夫戰必有曲直以

略一人主之二國戰鬪數曲直不可得詳故

季孫行父帥師城諸及鄆。

傳稱帥師言有難也。

旦○難乃反

十有三年春王正月。

夏五月壬午陳侯朔卒。

邾子貜條卒。

○條其居反

自正月不雨至于秋七月。

大室屋壞。

屋者主於覆蓋。明廟不都壞。○大音泰。傳皆同。

傳大室屋壞者有壞道也。譏不修也。大室猶世室

也。世世有是室。故言世室。周公曰大廟。爾雅曰室有東西廂曰廟。伯禽曰

大室。羣公曰宮。爾雅曰宮謂之室。室謂之宮。然則其實一也。蓋尊伯禽而異其名。

禮宗廟之事。君親割。割牲。夫人親春。春盛。敬之至也。

爲社稷之主。而先君之廟壞。極稱之。志不敬也。極稱。

言屋壞不復依違其文。

冬公如晉。

衛侯會公于沓。

沓地也。○沓徒答反。

狄侵衛。

十有二月己丑公及晉侯盟還自晉。

傳還者事未畢也。自晉事畢也。

鄭伯會公于棐。

棐鄭地。

十有四年春王正月公至自晉。賕春。

邾人伐我南鄙。

叔彭生帥師伐邾。

夏五月乙亥齊侯潘卒。

○潘浦干反。

六月公會宋公陳侯衛侯鄭伯許伯曹伯晉趙盾癸酉同盟于新城。

新城宋地

傳同者有同也。同外楚也。

秋七月有星孛入于北斗。

傳孛之爲言猶彗也。其曰入北斗斗有環域也。據

于大辰及東方皆不言入此言入者明斗有規郭入其魁中也。劉向曰北斗貴星入君之象也。彗星亂臣之類言邪亂之臣將並弑其君。○彗步勿反又音弗。

公至自會。

晉人納捷菑于邾弗克納。

傳是郤克也。其曰人何也。微之也。何為微之也。長

轂五百乘。繇地千里。長轂兵車四馬曰乘。一乘甲士三人。步卒七十二人。五百

乘合三萬七千五百人。過宋鄭滕薛。入千乘之

國。欲變人之主。繇且邾小國而言千乘者。大郤克

之事。反。至城下。然後知何知之晚也。征不廟算。況盛反。

勞師遠涉。乃至城下。邾亦以義拒。弗克納。未伐而曰

弗克何也。弗克其義也。義非力不足勝。捷菑晉出也。纍

且齊出也。姊妹之。纍且正也。捷菑不正也。正逸。歷

反

九月甲申。公孫敖卒于齊。

傳奔大夫不言卒而言卒何也。

据閔二年公子慶父出奔莒後不言

卒爲受其喪不可不卒也其地于外也。

成十七年公孫嬰齊

卒于經蚤傳曰其地未踰竟宣八年仲遂卒于垂齊地然則地或踰竟或未踰竟凡大夫卒于常

所則不地地者皆非其常所隨其所在而書其地耳不係於踰竟與不踰竟○爲于僞反經力之反地

竟音境

齊公子商人弑其君舍。

傳舍未踰年其曰君何也成舍之爲君所以重商

人之弑也。

殺者非弑也則商人其不以國氏何也據

四年衛州吁弑其君完不言公子

不以嫌代嫌也正春秋以正治不亂

舍不宜立有不正之嫌商人專權有當國之嫌故不書國氏明不以嫌相代

舍之不日

何也。未成爲君也。

宋子哀來奔。

傳其曰子哀失之也。言失其氏族不知何人。

冬。單伯如齊。

○單伯魯大夫。單音善。

齊人執單伯。

傳私罪也。單伯淫于齊。齊人執之。

齊人執子叔姬。

傳叔姬同罪也。

十有五年。春季。孫行父如晉。